



Broj: 02-02-1-2038-2/19
Sarajevo, 18.07.2019.godine

MINISTARSTVO PRAVDE I UPRAVE KANTONA SARAJEVO
Reisa Džemaludina Čauševića 1
71000 Sarajevo
Faks: 033/562-241

Bosna i Hercegovina
Federacija Bosne i Hercegovine
KANTON SARAJEVO

Predmet: Uredba o kontroli javnih nabavki
Veza: Vaš akt broj 03-06-02-27977/19 od 11.07.2019. godine

K. št. / O. št.		22-07-2019		Broj priloga	
Organizacija je imala	Klasifikacija	Broj			
03 06	02	27977-1			

Poštovani,

Dana 15.07.2019. godine Agencija za javne nabavke je zaprimila vaš akt, broj i datum veze, kojim tražite mišljenje na Uredbu o kontroli javnih nabavki u institucijama čiji je osnivač Kanton Sarajevo (u daljem tekstu: Uredba) i njenu usklađenost sa odredbama Zakona o javnim nabavkama („Službeni glasnik BiH“, broj 39/14) i pratećim podzakonskim aktima.

Prije svega naglašavamo da su članom 92. stav (3) Zakona o javnim nabavkama definisane nadležnosti Agencije za javne nabavke, te da shodno tome, Agencija nije nadležna da tumači druge propise osim Zakona o javnim nabavkama i pratećih podzakonskih akata.

Ipak moramo primijetiti da se Uredba djelimično dotiče legislative o javnim nabavkama u Bosni i Hercegovini te u tom smislu ističemo da odredbe Uredbe koje uređuju pitanje komisije za nabavke, pripreme tenderske dokumentacije, centralizovanih nabavki, i sl., nisu u suprotnosti sa Zakonom o javnim nabavkama i pratećim podzakonskim aktima.

Također, Uredba na veoma konstruktivan način reguliše i one kritične tačke, odnosno faze u lancu nabavke koje su podložne greškama i zloupotrebi, a koje nisu predmet legislative o javnim nabavkama u Bosni i Hercegovini, kao što su npr. planiranje nabavki, praćenje realizacije ugovora i sl.

Zakon o javnim nabavkama je u osnovi evropski zakon koji se temelji na legislativnom paketu EU Direktiva iz 2004. godine. Međutim, gorući problem u sistemu javnih nabavki u Bosni i Hercegovini je upravo primjena Zakona i podzakonskih akata na "terenu" i nepostojanje sistemskih rješenja za sve faze u lancu nabavke, te je bitno istaći da Uredba ide upravo u tom smjeru.

Uredba je u tom smislu anticipirala budući razvoj sistema javnih nabavki jer Zakon o izmjenama i dopunama Zakona o javnim nabavkama koji se nalazi u fazi pribavljanja mišljenja nadležnih institucija i upućivanja Vijeću ministara na razmatranje i usvajanje, predviđa institut prethodne provjere tržišta i rješenja koja se tiču efikasnijeg vršenja nabavne funkcije u organizaciji u cilju prohodnosti postupaka i smanjenja grešaka, te povećanja otpornosti na korupciju.

Napominjemo da su centralizacija i profesionalizacija javnih nabavki, kod manjih teritorijalnih jedinica kao što su pokrajine i gradovi, trend u zemljama EU, tako da Uredba ide i u tom pravcu.

Na kraju, pohvaljujemo napore Vlade Kantona Sarajevo da izradom ovakve Uredbe učini sistem javnih nabavki u Kantonu Sarajevo efikasnijim.

S poštovanjem,

Dostavljeno:

- naslovu
- a/a

